



UNIVERSITÄTS-
BIBLIOTHEK
PADERBORN

Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 2. Desumpta ex cap. 10. lib. Exodi, in quo describuntur plagæ locustarum & tenebrarum. Pharonis induratio nolentis Israëlitas cum ovibus & armentis dimittere.

[urn:nbn:de:hbz:466:1-61252](https://nbn-resolving.de/urn:nbn:de:hbz:466:1-61252)

immersus æternis flammis jaceret nunc Saulus, nisi corvum accepisset à Christo, qui ipsum ex mulo præcipitem actum excæcavit, sed inde excitatum clamare fecit: *Domine! quid me vis facere? tales corvos à gratiola parentis superni manu se accepisse etiam fatetur Propheta regius, dum cantat: Bonum mihi, quia humiliasti me, ut discam justificationes tuas.* Dicam ergo cum Salviano lib. 4. de Provid. Dei. *Quid miraris, si cedimur? quid miraris, si castigamur? si in jus hostium tradimur? si inferiores omnibus sumus?* sive miseriae, sive infirmitates, sive eversiones, sive captivitates, sive improba servitutes testimonia sunt mali servi, boni Dei. *Quomodo mali servi? quia patior scilicet & ex parte mereor.* *Quomodo boni Dei? quia offendit, quod meremur: clementissimam enim & benignissimam castigationem pavuit nos corrigerem, quam perire.*

Doctrina 2.

Desumpta ex cap. 10. lib. Exodi, in quo describuntur plaga locustarum & tenebrarum. Pharonis induratio nolentis Israëlitas cum ovibus & armentis dimittere.

N.90. Considera 1. Inter omnes plagas licet atrocissimas, nullam tamen à S. Scriptura horribilem vocari, exceptis solùm tenebris, quas præsens memorat caput, totam Ægyptum affecisse. *Facta sunt tenebrae horribiles in universa terra.* v. 22. Si liceat Christiane Lector: ex istis tenebris lucem moralis Doctrinæ trahere, dicam: nullam plagam tam terribilem immitti à Deo posse animæ peccatri, quam quæ est tenebrarum spiritualium & cœcitatis illius, quæ cor afficit. Videtur clarissimis Verbis hanc approbare sententiam Africæ Sol lucidissimus, dum Tract. 25. in Joan. scribit: *Tenebrae metuenda sunt morum, non oculorum, & si oculorum non exteriorum, sed internorum, unde discernitur non album & nigrum, sed justum & injustum.* q. d. Hæ sunt horrendæ illæ tenebræ, quibüs datis, adeo obscuratur humanæ mentis judicium, ut nec falsum à vero, nec terrenum ab æterno, nec utile à damnolo, nec impium à pio discernatur. Quidam datis datur ipsissima nox, in qua devius viator nescit, quō vadat, ruens ab uno in aliud præcipitum, & tandem in extremam abyssum. In has tenebras vix non devenerat, à nimio calore concupiscentiæ excæcatus, cæteroquin illuminatissimus David: quō factum, ut non viderit Deum suum, quem alias

aliás semper præsentissimum habebat : non viderit legem divinam, quæ fuerat antea lucerna pedibus ejus : non viderit æternæ damnationis periculum , à quo sibi tam studiose cavebat ; hinc cederit in voraginem duplicitis peccati, ex qua non emersisset ad lucem, nisi à Nathan Propheta rigidissimā increpatione fuisset extractus. Quare beneficiō Pœnitentiæ veram lucem iterum adeptus exclamat Psal. 12. *Illumina oculos meos.* q. d. ô infinita Bonitas ! quæ fecisti de tenebris splendescere lumen , tribue intellectui meo , ut conservatur in lumine, per pœnitentiam obtento, ne unquam imposterū vel à stimulis carnis meæ, vel à vanitate mundi, vel à fallacis Dæmonum excæcatus, obdormiam in morte lethalis peccati, & gloriari queat inimicus, prævalui adversus eum. Tu es refugium meum à tribulatione mea , quæ circumdedit me : exultatio mea erue me à circumdantibus me. Nempe à Dæmonibus, novam cæcitatem mihi molientibus inferre. Et ecce ! ad ultimum hoc Psalmi pœnitentialis petitum, sequitur divinum illico responsum : *Intellectum tibi dabo, & instruam te in via hac, quâ gradieris.* In quam profundam crudelitatis foveam ab ambitione sua excæcatus Absolon devolutus est , quando extintâ omni filialis reverentiæ & amoris face, quam cuilibet homini etiam barbaro natura accedit, non erubuit, paternum maculare thorum, subditos in rebellionem animare, quin imò ratum fixumque habere, non ante oculos claudere in placitum somnum, quam innocentissimus parens suos oculos claudisset in mortem. Et quis sat claris describat verbis, illam totius Jerosolymæ civitatis caliginem , quam tot divina Prodigia celù lucidissima præsentis Messiae testimonia abigere non poterant ? hanc plusquam Ægyptiacam cæcitatem prævidens ille , qui venerat ad illuminandum omnem hominem venientem in hunc mundum, amarissimis deflebat lacrymis, probè cognoscens : fore ut cum tenebris affectatæ ignorantiaæ involuti, non cognoverint tempus visitationis sua, aliquando devolvendi sint in tenebras exteriores, in æternū non amplius illuminandi. Ex quo colliges Christiane Lector : non esse reperibile ullum in toto orbe malum, quod cæcitatî mentis comparetur ; & hinc Deus, qui Dæmoni plenissimam dederat licentiam, in Jobum omnem effundendi rabiem, omnem exercendi crudelitatem, hanc unicam exceptionem salutaris clausulæ loco annexuit cap. 2. veruntamen animam ejus serva. id est : Cassiodorô interprete : *Tantummodo eum amenteem non facias debilitatō anima domiciliō, aut ut Olympiodorus explicat : Tantummodo*

modo principalem animi partem ne attinge. Hæc siquidem illa lux est, de qua in Proverbiis c. 20. v. 27. testatur Deus: *Lucerna Domini spiraculum hominis.* Hæc enim conservatâ Job, et si utrōque capitis sui oculō privetur, clarissimè videbit, cavebitque ut non in aliquod stultum, hoc est Deo suo injuriosum impingat, sed licet nullum præ nimis dolore membrum movere valeat, instar tamen velocissimi cervi viam mandatorum Dei percurrat. Christiane lector, cernens nunc miserrimum hominis per peccatum excæcati statum, hoc inter primas constitue preces cum Davide: *Illumina oculos meos, ne unquam obdormiam in morte.*

De reliquo: ut peccator, qui timore & horrore tenebrarum infernaliū ad actus, ē servitute Ægyptiaca vitiorum per sinceram Pœnitentiam vult liberari, saltem affectum, propensionem occasionemque peccandi non ex integro abscindat; & hinc in summo periculo relabendi, atque per relapsum hunc extrema mentis cæcitatem incurriendi veretur: ideò Diabolus se gerit instar Pharaonis, qui à filiis Israël Ægyptum egressuris petiit, ut saltem paryulos, oves & armenta sibi relinquant. v. 24. cap. citati, ocios ergo cum Moysè eidem respondendum est: *Cuncti greges pergent nobiscum: non remanebit ex eis unguis v. 26. nempe nullus affectus ad peccatum, aut ejus propinquam occasionem relinquetur.*

Doctrina 3.

Desumpta ex cap. II. lib. Exodi, in quo describitur despoliatio Ægyptiorum, mina de cede Primogenitorum.

N.91. Considera: **Q**uod licet homines, qui vocante Deo Mundum velut alterum Ægyptum deserunt, in Chanaan religiosæ vitæ Deo servituri, quandoque multa vala aurea & argentea thesaurosque propinquis suis videantur relinquere: attamen non Israëlitis eos magis spolient, quam divites reddant; rapiunt enim ipsi animi quietem, omni thesaurō longè præstantiore, dum eos divitias post se relictis onerant. Quid enim divitiaz nisi spinaz, quæ pungunt timore, dum habentur, pungunt labore, dum queruntur, pungunt dolore, dum perduntur? pulcherrimè ad nostrum propositum differit S. Mart. Braccar. inquiens: *Quietissimam vitam agerent homines*